

HERRI KIROLAK

Urte «mundiala» iritsi da

Euskal Herriko goma gaineko sokatira txapelketa gaur hasiko da Laudion

Mundu guztiko sokatiralarien arreta Euskal Herrian izango da 1995 urtean. Otsailean Gasteizen goma gaineko Munduko Txapelketa egingo da eta irailean Faduran lur gaineko Europako Txapelketa. Baina jardunaldi nagusi horien aurretik euskal taldeak Euskal Herriko Txapelketan buru belarri murgilduko dira.

JON OLASKOAGA / DONOSTIA

Araban egingo dira Euskal Herriko goma gaineko Txapelketaren jardunaldi gehienak. Munduko txapelketa Gasteizen izateak erabaki hau hartzera bultzatu ditu euskal federazioaren agintariak. Baina aurtengo txapelketak badauka aldaketa eta nobedaderik. Tiraldiak Bizkaian, Araban, Gipuzkoan, Nafarroan eta Lapurdin izango dira. Edizio honetan Iparralderantz hedatu da txapelketa eta honakoan esan dezakegu Euskal Herri guztiko txapelketa dena.

71 taldek parte hartuko dute 1995eko txapelketan, 64 gizon-ekoetan eta 7 emakumezkoetan. Azken urteetan bezala bizkaitarrak dira ugarien. Bestalde, Nafarroa aldetik geroz eta talde gehiagok parte hartzen du. Iaz 600 kilotan Amaiurrek lortu zuen tituluari jarraipena emateko asmoz dira nafarrak. Txalotzekoa da, halaber, Iparraldeko Nafurrak taldearen presentzia.

GAZTEDI BERRIZ ERE TXAPELKETAN

1994an Laukizko Gaztedi uko egin zion goma gaineko txapelketan parte hartzeari. Denboraldia oso



Goiherri taldea iazko istiluak alde batera utzi eta podiumera igotzen ahaleginduko da.

luzea da eta lur gaineko Munduko Txapelketari begira antolatuta zuten urtea. Ondo prestatu gainera, Suediatik urrezko domina parearekin itzuli bait ziren. Aurtent, aldiz, Munduko goma gaineko Txapelketa jokatzek —bi urtean behin egiten da—, eta gainera txapelketa Gasteizen izateak parte hartzera animatu ditu laukizarrak. Haitzitik Gaztediko neskek ez zuten iaz kale egin eta bi tituluak eskuratu zituzten. Aurtent ere ez dute arazo handirik izango emaitza berdina lortzeko.

Gizonezkoetan Gaztedi izan da jaun eta jabe azken urteetan, Nuarberen falta aprobetxatuz. Hala ere gainontzeko taldeek piskanaka gora egin dute eta baliatzen zen bait pisutan Gaztediren nagusigoa kolokan izatea.

1994ko txapelketa oso polita izan zen, indarrak oso parekatuta zeudelako. Aurtent ikusi behar Gaztedi beste taldeak baino indartsuagoa ote den.

Badaezpada ere hor izango dira hainbat talde, laukizarren ahuleziak aprobetxatzeko. 560 kilotan Torrekolanda, Goiherri eta Beti Gazte dira talde indartsuenak. 600 kilotan Amaiur, Torrekolanda eta Urrestilla. 640 kilotan Auzolan, Torrekolanda eta Iparralde. Azkenik, 680 kilotan, Lagunak, Mutriku eta Auzolan.

EMAKUMEETAN PARTAIDETZA ESKASA

Emakumezkoetan bi pisu izango dira jokoan: 480 eta 520 kilo. Zazpi taldek bakarrik izena eman dute edizio honetan. Argi dago nes-

ken sokatirak egoera kaskarra bizi duela. Hala ere hor dira euskaldunak nazioarteko txapelketetan hainbat domina eskuratuz. Aurtent Erandioko Goiherri ez du parte hartuko. Goma gainean izango dira Torrekolanda, Haitzazpe eta Gaztedi talde bizkaitarrak bi kategorietan eta Nafarroako Berriozar 480 kilotan.

Txapelketa gaur hasi eta otsailaren 19ra arte jokatu da astebururo. 560, 600 eta 640 kilotan hiru multzo egin dira. Multzo bakoitzeko bi lehenak finalerako tartela eskuratuko dute. 680 kilotan eta emakumezkoetan hiru jardunalditako puntuak zenbatu egingo dira txapelduna izendatzeko. Larunbatean egingo diren saioak arratsaldeko bostetan hasiko dira eta igandeak goizeko hamaiketan.

XAKEA

Morozevitxentzat Iruñeko txapelketa

IRUÑEA

Alexander Morozevitx errusiar jokalaria gazteak irabazi du Iruñeko Nazioareko Xake Txapelketa, eta atzo eguerdian jaso zuen zegokion saria. Errusiar jokalaria gazteak zazpi puntu lortu ditu Iruñean jokaturako bederatzi jardunaldietan, Zvaginsev bigarren sailkatuak baino puntu erdi gehiago, eta Topalov hirugarrenak baino puntu t'erdi gehiago.

Magem izan da laugarren sailkatua Iruñeko Nazioarteko Xake Txapelketan, eta haren atzetik geratu dira ordenu honetan Leo-

nid Yudašin, De la Villa, Comas, Kortxnoi, Franco eta Rivas.

Joan den ostegunean jokaturako azken jardunaldian Morozevitxek, jakina, garaipena lortu zuen Comasen aurka. Garaipena, txapelketan jarrian lortu zuen bosgarrena izan zen. Zvaginsevek, bere aldetik, ez zen espero erraztasunaz garaitu zuen Korchnoi jokalaria suitzarra. Errusiarrek azkar eta zailtasun handiegirik gabe burutu zuen norgehiagoka. Jordi Magem, bestalde, fitxa beltzekin jokatu bazuen ere garaipena lortu zuen Rivasen aurka. Yudasinek berriro ere parra egin zuen, kasu ho-

netan De la Villaren aurka. Yudasinek jokatu dituen bederatzi partiduetan parra egin du. Vesselin Topalov bulgariarrak txuriekin jokatu zuen Zenon Francoren kontra. Arriskatu bazuen ere, azkenean berak ere berdinketa besterik ez zuen lortu.

Txapelketa irekian, Javier Otxoa Nazioarteko Maisu euskaldunak lortu zuen garaipena, azken jardunaldian Oms juveniletako txapeldun ohia garaitu eta gero. Orotara 7,5 puntu lortu zituen Otxoak. Puntu erdi bat gutxiago lortu zuten Vera, Danailov, Komljenovic, Del Rio eta Unai Garbisu nafarra.



Leonid Yudasin.

LABURREA

TOMBA irabazle
Esloveniako
erraldoian

Alberto Tomba eskiatzaile italiarra izan da Esloveniako Kranjska Gorako erraldoi irabazlea, eski alpinoko Munduko Kopako baliagatzen proban hain zuzen. Tombak jadanik bost garaipen lortu ditu denboraldi honetan. Atzoiko garaipenean, 94 ehuneneko aldea atera zion bigarren postuan bukatu zuen Mitja Kunc esloveniarrari. Azken honek denbora berbera egin zuen Strand Nilssen norvegiarrak.

BELGIKAKO
hautatzailea
kritikatua

Belgikako futbol selekzio kapitaina den Franky Van der Elst-ek gogor kritikatu du Paul van Himst hautatzaile «Entrenatzaileak ez du garrantzi onik sortu. Van Himst ez du inoiz ere atsegina izan prentsarekin eta horrek bere informetzaileen aldetik erreakzio andana sortzen du. Selektzio giroa nahikoa zakartua zegoen, eta Mundialean Saudi Arabiaren kontrako porrotak min ematen jarraitzen du».

ROMARIOK dio
asteazkenean
itzuliko dela Rio
de Janeirora

Barcelona futbol taldeko Romario de Souza brasildarrak esan du datorren asteazkenean itzuliko dela Brasilera, Rio de Janeiroko Flamengo jokatzera ailegatu. «Guztia ongi ateratzen bada, datorren asteazkenean Rio Janeirora joango naiz. Flamengo elastikoa jantziko dut», zioen atzo Jornal do Basil egunkarian.

ATHLETIC B
Herculesen
zelaian gaur

Hercules eta Athletic B aurtengo aurre izango dira gaur arratsaldeko seietatik aurrerant Bigarren Mailako bi talde hauek hamabosna puntu dituzte, aurrena hamaikagarren postuan delarik, eta bilbotarra hamabigarrengoa. Hamaseigarren jardunaldiko partidua honetan, Amorrortu Athletic Bko entrenatzaileak gizon garrantzitsuenak prestatu izango ditu.